



Presidente di Parlamento Aruba
sr. mr. E.G.A. Vrolijk
L.G. Smith Blvd. 72
Oranjestad

STATEN VAN ARUBA

Ingek: 05 MAR 2024

Volgnr: IS/590/23-24

J. J.

Aruba, 4 maart 2023

Apreciado sr. Presidente,

Pa medio di e carta aki suscrito kier a pidi sr. Presidente dirigi e siguiente ocho (x8) preguntanan na MinEZCDO, sr. Geoffrey Wever. Suscrito ta desea di haya contesta por escrito riba su preguntanan. Danki di antemano pa su amabel cooperacion, suscrito ta keda,

Atentamente,

Miguel J. Mansur
Lider di Fraccion ACCION 21




Preguntanan por escrito di miembro di Parlamento, sr. Miguel J. Mansur, na Minister di Asunto Economico, Comunicacion y Desaroyo Sostenibel, sr. Geoffrey Wever, conforme articulo III.17 di Staatsregeling y conforme artikel 59 di Reglement van Orde di Parlamento di Aruba.

Relaciona cu e proyecto di “e-Governance” cu gobierno a bin ta propaganda, suscrito tin e siguiente preguntanan:

1. Minister por comparti e projectdossier di e-governance cu gobierno lo ta ehecutando cu fondonan di Union Europeo?
2. Minister por comparti cu Parlamento e payment schedule di fondonan Europeo, ta ricibi full e suma den un pago of financiamiento ta mara na logronan di ehecurion di e plan di e-governance?
3. Minister por comparti cu Parlamento riba cua cuenta e fondonan di Union Europeo lo wordo deposita, nan ta pasa pa Directie Financien of otro instancia?
4. Una bes ricibi Minister por comparti cu Parlamento ki sistema di checks and balances a ser implementa pa salvaguardia cu fondonan pa e-governance no lo wordo usa pa otro destino?
5. Minister por comparti cu Parlamento con lo salvaguardia cu e fondonan ricibi di Union Europeo no lo wordo usa pa e.o. logra un surplus riba presupuesto?
6. Minister por informa Parlamento cual departamentonan y instancianan ta bin na remarke pa implementacion di e-governance? Ministro por duna un lista di e departamentonan aki y e fecha di implementacion?
7. Minister por informa Parlamento cual ta e departamentonan gubernamental cu tambe ta involvi den implementacion di e-governance? Ki rol cada un di e departamentonan gubernamental nan aki ta hunga den e implementacion? Por a duna un especificacion di esaki?
8. Minister por comparti cu Parlamento con reparticion di dicho fondonan lo ta mara na logronan di implementacion entre e departamento y instancianan cu ta destina pa ricibi asistencia y/of inversion?
9. Minister por comparti cu Parlamento tur contract of areglo cu tin cu un tercer partido pa implementacion di gobierno su plan di e-governance?
10. Minister por comparti cu Parlamento cu ki frecuencia lo presenta na Parlamento desaroyo y logronan di e proyecto di e-governance?

Suscrito ta desea di ricibi un contesta por escrito riba su preguntanan.

Atentamente,

A handwritten signature in blue ink. The name 'MANSUR' is written in a stylized, cursive font. The 'M' is large and loops around the 'A'. The 'S' at the end has a long, sweeping tail that extends to the right.

Miguel J. Mansur
Lider di Fraccion ACCION 21